



**ANOETAKO UDALAREN ETA ANOETAKO HERRI IKASTOLAREN ARTEKO
HITZARMENA, SEXU HEZIKETA PROGRAMA BIDERATZEKO
2023-24 IKASTURTEAN**

Anoetan, 2023ko abenduaren 18an.

BILDU DIRA

Alde batetik, **Egoitz Luisa Urkola** (NA: 72481667L), ANOETAKO UDALAREN izenean eta hura ordezkatzuz (IFK: P2001100C; helbidea: Herriko Plaza z.g., 20270 Anoeta), eta Toki Araubidearen Oinarriak arautzen dituen apirilaren 2ko 7/1985 Legearen 21.1.b) artikulua araberak, ekintza hau gauzatzeko behar besteko ahalmena duena.

Eta bestetik, **Oihana Gomez Sarriegi** (NA:), ANOETAKO HERRI IKASTOLA KOOP. ELKARTEAREN izenean eta hura ordezkatzuz (IFK: F20072542) helbidea: Ergoien bailara 5, 20270 Anoeta), 2016ko azaroaren 15eko notaritzako ahalordetzaren agiriaren arabera ekintza hau gauzatzeko behar besteko ahalmena duena.

Bi alderdiek hitzarmen hau sinatzeko nahikoa gaitasun aitortzen diote elkarri, eta honako hau

ADIERAZTEN DUTE

LEHENA: Anoetako Udalak, bere udalerriko haur eta gaztetxoaren artean indarkeria matxistaren prebentzioa landu nahi du sexu heziketaren bidez. Horregatik, eta kontuan hartuz Anoetako Herri Ikastola herriko ikastetxe bakarra dela, Anoetako Udalak Anoetako Herri Ikastolarekin hitzarmen hau sinatu nahi du.



BIGARRENA: Hitzarmen honen diru-ekarpenarekin ekimen hau eraman dezake aurrera Anoetako Herri Ikastolak, herriko haur eta gaztetxoengan eragiteko, indarkeria matxistaren prebentzioari begira.

Udalbatzak onartutako Parekidetasun Plangintzan azaltzen da sexu heziketaren programa, Gipuzkoan indarkeria matxistari aurre egiteko lan ildoaren baitan. Lanketa hau urtero egiten da, bai Anoetako Herri Ikastolan eta baita Irurako Ikastolan ere, bi herrietako Udalek egitasmoaren kostu osoa finantzatuz erdi bana.

Sexu heziketaren bidez gizarte parekideago baten aldeko bidean urrats garrantzitsu bat iruditzen zaigu, eta gaur egun gizartean errotuta dagoen bortizkeria matxistari aurre egiteko baloreak jorratzea da proiektu honen helburua, horretarako hainbat dinamika eta baliabide erabiliz, ikasleen adinari egokituta.

Sexune Elkarreak bideratu izan ditu saio hauek azken urteotan bi herrietako Ikastoletan, eta ikasleentzako ez ezik, irakasle eta gurasoentzako ere formazio saioak eta aholkularitza saioak antolatu ohi ditu, bi kolektibo hauekin ere lanketa egitea ezinbestekoa jotzen dugulako, nahiz eta gurasoen aldetik batzuetan kostatzen den inplikazioa lortzea.

HIRUGARRENA: Anoetako Udalak eta Anoetako Herri Ikastolak bat egiten dugu herriko haur eta gaztetxoaren artean indarkeria matxistaren prebentzioa lantzeko helburuarekin, eta hitzarmen honen bidez proiektua sustatzeak eta garatzeak helburu hori betetzea ekarriko duela.

LAUGARRENA: Udalaren Diru-laguntzen Plan Estrategikoan 2022-24 aurreikusita dagoela diru-laguntza Anoetako Herri Ikastolarentzat sexu heziketa programa garatzeko, Anoetako Udaleko 2023ko aurrekontuan jasota dagoelarik hitzarmen honi dagokion diru-laguntza.

BOSGARRENA: Hitzarmen honen xedea da Anoetako Udalaren eta Anoetako Herri Ikastolaren arteko lankidetzaren esparrua ezartzea, udalerriko haur eta gaztetxoaren artean indarkeria matxistaren prebentzioa lantzeko sexu heziketaren bidez.



SEIGARRENA: Hitzarmen hau sinatzeko eskumenak honetan oinarritzen dira:

-Toki Araubidearen oinarriak arautzen dituen apirilaren 2ko 7/1985 Legearen 21.1.b) artikulua.

-2016ko urriaren 26ko Anoetako Herri Ikastola Kooperatiba Elkartearen Artezkaritza Kontseiluaren erabakia (María Larraitz Franco Galarraga Notaritzako ahalordetza-agirian jaso, 2016-11-15).

ZAZPIGARRENA: Araubide juridikoa:

- Espainiako Konstituzioak 43.3 artikuluan adierazten du botere publikoek herritarren bizi baldintzak hobetzeko ekintzak sustatuko dituztela.
- Dirulaguntzei buruzko azaroaren 17ko 38/2003 Lege Orokorrak, 22.2.a) artikuluan aurreikusten du toki erakundeen aurrekontuetan modu nominatiboan aurreikusitako dirulaguntzak zuzenean emateko aukera.
- Dirulaguntzei buruzko 38/2003 Lege Orokorrak, 28. artikuluan xedatzen du hitzarmena izango dela toki erakundeen aurrekontuetan modu nominatiboan aurreikusitako dirulaguntzak bideratzeko ohiko tresna.
- Apirilaren 7ko Eusko Legebiltzarraren 2/2016 Legeak, Euskadiko Toki Erakundeei buruzkoak, bere 17.1.20) artikuluan xedatzen du, Udalari ematen dizkion eskumenen artean, kultura sustatzeko udal planak idatzi, onartu eta kudeatzeko eskumena.
- Anoetako Udalak 2022/2024 urteetarako diru-laguntzen plan estrategikoa onartu du (2022-04-19an GAOn argitaratua), onura publikoko edo gizarte-intereseko jarduera bat sustatzeko edo helburu publiko bat sustatzeko helburua duten politika publikoak planifikatzeko tresna gisa. Bertan dator zehaztuta hitzarmen honi dagokion diru-laguntza lerroa.

Horrela, bada, Diru-laguntzei buruzko azaroaren 17ko 38/2003 Lege Orokorraren 22.2.a) artikuluan xedatutakoarekin eta aurretik azaldutakoarekin bat etorriz, alderdiek hitzarmen hau sinatzea erabaki dute. Klausula hauen arabera arautuko da.



KLAUSULAK

LEHENA.- Hitzarmenaren helburua.

Hitzarmen honen helburua hau da: Anoetako Udalaren eta Anoetako Herri Ikastolaren arteko lankidetzaz-esparrua ezartzea, herriko haur eta gaztetxoek garapenean eragiteko, *sexu heziketa* ekimena sustatuz ikastetxean, indarkeria matxistaren prebentzioari begira.

BIGARRENA.- Anoetako Udalaren betebeharrak

- Anoetako Udalak Anoetako Herri Ikastolari 2023-24 ikasturtean 6.000 euroko diru-laguntza emateko konpromisoa hartzen du, goian aipatu dituen helburuak betetzeko eta proposatutako ekimena burutzeko. Urteko aurrekontuetan diru-laguntza hau emateko nahikoa kreditu aurreikusita dago, eta gastua 1 0000 471 323 10 01 (377): *Diru-laguntza Anoetako Herri Ikastolari* aurrekontu-kredituari egotziko zaio.
- Sexu heziketa* proiektuaren baldintzak edo/eta aurrekontua aldatuko balira, Anoetako Udalak konpromisoa hartzen du baldintza berriak aztertzeke eta, beharko balitz, egin beharreko aldaketak egiteko, baldin eta urte horretan onartutako aurrekontuek horretarako bide ematen badute.

HIRUGARRENA.- Anoetako Herri Ikastolaren betebeharrak

Erakunde onuradunaren betebeharrak Diru-laguntzei buruzko azaroaren 17ko 38/2003 Lege Orokorraren 14. Artikuluan ezarritakoak izango dira, eta, zehazki, betebeharrak espezifiko hauek betetzea:

- Sexu heziketa* programa sustatu Ikastolan, eta Anoetako Udalari jakinarazi horren inguruko informazioa.
- Ikasturte amaieran, programaren balorazio txostena eta fakturak Anoetako Udalari aurkeztea.
- Udal Organo eskudunak edo udal kontu-hartzaileak burututako egiaztapen eta kontrol jarduketak onartzea, organo hauek emandako zenbatekoen erabileraren fiskalizazio eta



kontrolerako eginkizunak baliatuta, eska diezaioketen informazio guztia emateko betebeharra izanda, 38/2003 Legean xedatutakoaren arabera.

- ❑ Anoetako Udala laguntzaile gisa agertzea diruz laguntzen den ekimenean, hala dagokionean, horren inguruan egingo diren komunikazioetan: esku-orriak, iragarkiak, kartelak etab.
- ❑ Jarduera guztietan Legeak eskatzen dituen segurtasun neurriak hartzea, parte-hartzaile edota ikusleen segurtasuna babestuta.

LAUGARRENA.- Hitzarmenaren jarraipena.

Hitzarmenean ezarritakoa beteko dela ziurtatzeko, behar diren bilerak egingo dituzte Anoetako Herri Ikastolako zuzendariak eta Anoetako Udaleko kultur dinamizatzaileak.

BOSGARRENA.- Hitzarmenaren indarraldia.

Hitzarmen honek ondorioak izango ditu 2023-24 ikasturterako, eta izenpetzen den egunaz geroztik egongo da indarrean.

SEIGARRENA.- Diru-laguntzaren bateragarritasuna.

Hitzarmen honek arautzen duen diru-laguntza bateragarria izango da helburu bera duten eta bestelako administrazioetatik edo erakunde publikoetatik edo pribatuetatik datozen bestelako diru-laguntza, laguntza, diru-sarrera edo baliabideekin. Hala eta guztiz ere, emandako laguntzen zenbatekoa, bakarrean edo batera, inola ere ezingo da izan diru-laguntzaren xedearen balioa baino handiagoa.

ZAZPIGARRENA.- Diru ekarpena eta zuriketa.



Hitzarmen honetako bigarren klausulan aipatutako diru ekarpen zuzena honela egingo da: hitzarmena sinatu eta gehienez ere hilabeteko epean jasoko du Anoetako Herri Ikastolak diru-laguntzaren %75a (4.500 €). Gastua 1 0000 471 323 10 01 (377): *Diru-laguntza Anoetako Herri Ikastolari* aurrekontu-kredituari egotziko zaio.

Horretarako, elkarteak agiri hauek aurkeztu beharko ditu:

- Identifikazio Fiskaleko Kodearen agiriaren kopia
- Ogasuneko zein Gizarte Segurantzako betebeharrak egunean izatearen ziurtagiriak
- Erantzukizunpeko adierazpena, onuradun izateko debekurik ez duela adierazten duena (Dirulaguntzei buruzko azaroaren 17ko 38/2003 Lege Orokorraren 13. Artikuluaren 2. eta 3. Ataletan aurreikusitakoaren arabera) eta xede berberarekin dirulaguntzak eskatu edo jaso dituen ala ez.
- Hitzarmena sinatuko duen pertsona erakundeko ordezkaria dela egiaztatzen duen agiria.
- Kontu zenbakia, eta horren titularra elkarte dela egiaztatzen duen agiria.

Gainontzeko %25a (1.500 €) ikasturtea amaitutakoan eta justifikazio dokumentuak (jardueren memoria eta fakturak) aurkeztu ondoren ordainduko zaio. Dokumentazio hau 2024ko urriaren 31n beranduenez aurkeztuko du Anoetako Herri Ikastolak.

Edozein gisatara ere, udalaren diru ekarpena jaso ahal izateko, aurreko ekitaldiko harremanak eguneratuta egon behar du.

ZORTZIGARRENA.- Hitzarmena deuseztatzeko arrazoiak.

Diru-laguntzaren entitate onuradunak bete beharreko edozein eginkizun ez betetzeak ekarriko du diru-laguntza berrikustea edo indarrrik gabe uztea, eta hala balitz, emaniko diru-kopurua gutxitzea edo itzultzea. Hori guztia aurreikusita dago Ordenantzan eta Legean. Dena den, erantzukizunak eskatu ahal izango zaizkio. Izaniko ez betetzeak mailakatzeko proportzionaltasun irizpidea erabiliko da.



Bi aldeek adostu ahal izango dute hitzarmena bertan behera uztea edo etetea, ezingo balitz edo interesik ez balego lana garatzen jarraitzeko, izan proiektuaren bideragarritasunari edo izaerari atxikitako arrazoiengatik edo behar bezala justifikatutako bestelako arrazoiengatik.

Hitzarmen honetan ezarritako baldintzetako edozein ez betetzea, hitzarmena berraztertzeko kausa izan daiteke, eta horrek ekar lezake hitzarmena baliogabetzea eta bidegabe jasotako diruzenbatekoak itzularaztea.

BEDERATZIGARRENA.- Hitzarmenaren izaera.

Hitzarmen honek sinatzaileen artean ondorio juridikoak ditu, baina ez du kontratu izaerarik, eta ez ditu bere baitan hartzen kontratu batek dituen prestazioak. Hitzarmenaren xedea da entitatea eta Udala helburu berarekin elkarlanean aritzea.

Sektore Publikoko Araubidea onartzen duen, urriaren 2ko, 40/2015 Legearen 47. artikuluan ezartzen diren hitzarmen-moten barruan kokatzen da hitzarmen hau, hain zuzen ere, administrazio publikoaren eta entitate pribatu baten artekoa, eta hitzarmenaren araubidea legearen VI. kapituluan xedatutakoari lotuko zaio. Modu horretan, hitzarmenaren helburua izango da entitate sinatzaileak Udalari emango dion laguntzari esker, arloaren kudeaketa hobetzea; udalak egingo duen ekarpenak ez du inoiz gaindituko hitzarmenean jasotako ekimeneen gastua; eta hitzartzen den dirulaguntzak 38/2003 Dirulaguntzen inguruko Lege Orokorra bete beharko du.

Hitzarmen hau interpretatu eta betetzeko orduan sor daitezkeen gai gatazkatsuak aztertzea eta ebaztea administrazioarekiko auzien jurisdikzioaren ardura izango da.

HAMARGARRENA.- HIZKUNTZA BETEBEHARRAK

Anoetako Herri Ikastolak Udalaren hizkuntza jarduera arautzeko planaren arabera jokatu du, printzipio hauek oinarri hartuta:



- Proporzionaltasun-printzipioa bermatuko du, diruz lagundutako jardueraren ezaugarrien, xedearen eta hartzaileen arabera.
- Hizkuntza irizpideak diruz lagundutako jarduerari lotuta egongo dira.
- Idatzi, iragarki, ohar eta gainerako komunikazioak euskaraz ezagutarazi beharko ditu, eta publizitatearekin ere, ahozko zein idatzia izan, berdin jokatu du.
- Anoetako Herri Ikastolako ordezkariak Udalarekin ahozko eta idatzizko harremanak euskaraz izango dituzte, hori baita administrazio honen lan hizkuntza.

Eta zalantzak argitzeko edo laguntza eskatzeko aukera izango dute Udalaren Euskara departamentura joz.

HAMAIKAGARRENA.- Genero-berdintasunaren arloko betebeharrak.

Pertsona edo erakunde onuradunak aplikatzekoa zaion indarreko araudi guztia errespetatu beharko du; eta bereziki Emakumeen eta Gizonen Berdintasunerako 4/2005 Legea. Erakunde onuradunak, diruz lagundutako jardueran, honako printzipio orokorrak bete beharko ditu:

- Hizkera inklusiboa eta irudi ez sexistaren erabilera dokumentazio, euskarri eta errotulazio guztian. Jarduerak sustatzeko egiten dituen kartel, testu eta agirietako edukitan hizkuntzaren eta irudien erabilera ez sexista egin beharko du.
- Berdintasunean eragin positiboa izatea bermatzea.
- Genero ikuspegia eta parekidetasun irizpideak txertatzea proiektuetan.
- Proiektu eta memorieta sexuagatik banandutako datuak erabiltzea.
- Ez du sortuko sexuagatik bereizkeria zuzena edo zeharkakoa eragiten duen jarduerarik.

HAMABIGARRENA.- Ingurumen betebeharrak.

Erakunde onuradunak ingurumen irizpideak hartu beharko ditu kontuan bere jardunean: aurrezte eta energia eraginkortasuna, hondakin frakzio ezberdinen sailkatze egokia (horiek sortzeari aurrea hartzeaz gain), tokiko bioaniztasunari kalterik ez sortzea (habitat naturalak, espezieak eta prozesu



ekologikoak), mugikortasun iraunkorra sustatzea eta jendaurreko ekitaldirik antolatuz gero tokiko elikagaiak sustatzea, besteak beste.

HAMAHIRUGARRENA.- DATU BABESA

Hitzarmenaren xedean adierazitakoaren arabera, lanak/zereginak/zerbitzuak egiteko, ez da beharrezkoa Anoetako Udalarenak diren datu pertsonalak eskuratzea. Horrela, debekatuta dago Anoetako Udalarenak diren datu pertsonalak tratatzea, eskuratzea eta ikustea.

Datu pertsonalak nahi gabe eta baimenik gabe ikusiz gero, erakundeak konpromisoa hartzen du ezagutu dezakeen informazioa sekretupean eta isilpean gordetzeko eta arduraduna den erakundeko datuen babesaren ordezkariari gertatutakoa berehala jakinarazteko.

Horiek horrela, erakundeko langileak behartuta daude datuak hirugarren pertsonari ez ezagutaraztera, transferitzera, ematera edo jakinaraztera, eta betebeharrak hori Anoetako Udalarekin duen harreman juridikoa amaitu ondoren ere mantenduko da.

Oro har, Anoetako Udalak ezarritako eta emandako informazioaren segurtasun neurriak eta jarraibideak bete beharko dira.

Eta goian azaldutakoarekin ados daudela frogatzeko, bi alderdiek honako hitzarmen honen bi ale izenpetzen dituzte, adierazitako egunean eta lekuan.

Anoetako Udalaren izenean

Anoetako Herri Ikastolaren izenean

Sin.: Egoitz Luisa Urkola

Sin.: Oihana Gomez Sarriegi